


此周則天子尚為后服三年後世夫為妻始制為齊衰杖期
父母在則不杖夫喪服自暮以下諸侯絕然特為旁期言若
妻之喪本自三年報服殺為暮年則固未嘗絕也 皇上為
后服期以日易月僅十三日臣子為君母服三年以日易月
僅二十七日較諸古禮已至殺而又殺則亡矣臣等何忍
今後世史官書曰天子不成后服自 皇上始乎 上不聽
禮部尚書方獻夫言持服如初詹事霍齠言古禮父在為母
杖不上于堂尊父也為衆人言之也至于朝廷何獨不然臣
請 陛下玄冠素服御西角門十日即玄冠玄衣御奉天門

百官有司入左掖門則烏帽玄衣侍班奏事退出公署及居
私室仍白帽二十七日而除若曰于禮猶有所未慊也則山
陵事畢而除其入見 陛下玄服者杖不上堂之義也出即
素服者子為母之義也 上善之
辛丑虜五萬餘騎犯宣府總兵趙瑛副總兵時陳等拒卻之
斬十一級遁去

辛亥南京太常寺卿牛鳳回事爭禮部不相屬返其札南京
禮部右侍郎顧清以奪聞鳳俸三月
壬子南京禮部右侍郎顧清致仕進尚書



平定州盜平

甲寅運官三年考選

己未西虜寇莊浪入掠鎮原殺主簿張文明

壬戌詹事黃維為南京禮部右侍郎

己丑大學士張璠尚書方獻夫劉麟少卿曾直晏清 科都

給事中王汝梅御史趙克兵部員外郎賂用卿等擇陵天壽

山 上定于燠兒谷

丙寅遷尋甸府于鳳梧山

戊辰封觀煊魯王鍵杜陽信王典檳萬安王勤煇臨安王睦

榜汾西王睦權汝陽王 權魯山王厚烈永春王厚煇隆平

王

貫木邦宣慰使罕烈益養安撫司土舍思真仇殺之罪仍許

貢緬甸土舍莽啟歲隴川土舍多參益定土舍罕忽各就撫


予冠帶

閏十月己巳朔庚午謚 大行皇后曰悼靈

壬申青羊山盜平陳卿出降兵科都給事中夏言往覈功罪

甲戌巡捕及直宿吏卒衣襪三年一給

戊寅南京刑部右侍郎王爌終養



壬午改定京城編審甲猛之令

八寨寇平王守仁報捷 上疑其誇詐第勞不可泯仍勅獎

已丑兵部尚書王時中被劾罷

庚寅故太子太保工部尚書湯陰李鏊贈少保贈恭敏

丁酉 上作十六字箴卓爾之見一貫之唯學聖君子勗哉
勿偽出示輔臣刑部尚書胡世寧推廣 上意為疏辭以進

上嘉納焉

總理河道工部右侍郎潘希曾言運河廟道口以下忽于淤
數十里由決河而東并擊運河水東入昭陽湖以故飛雲橋


水從北漫而南流日壅今可于徐沛間加築東隄以遏入湖
路更培西隄障黃河令無衝潰復濬趙皮寨孫家渡分殺水
力廟道口自可無淤運道以利從之

戊戌代府鎮國將軍任埏先坐罪廢庶人錮鳳陽高牆而沒
子輔國將軍成銀微服奔喪因上章自劾乞負骸歸葬 上
閱而許之

十一月己亥朔長至日受朝賀改明日頒歷

乙巳祭故祭酒魯鐸謚文恪 上以鐸清節特予祭塋鐸字

振之景陵人弘治壬戌南宮第一成進士授編修正德初使



安南邵金珠饋遷司業轉南祭酒及在告絕跡公門日集後
進之士講授經義卒後貧不能葬

丙午許土魯番速檀滿速兒入貢

免大名廣平順德真定水災田租

己酉改胡世寧兵部尚書進太子太保

庚戌初錦衣衛千戶沈麟請訂刊歷代史下兩京禮部工部

國子監補刻

壬子內官監供用庫例收江南白糧私斗倍索納戶苦之戶
科都給事中蔡經告因定每石加耗一斗禁科擾


准錦衣衛衣裘鞵五年一給

癸丑套虜六千騎自寧夏鎮遠關渡河循賀蘭山而南搃
兵杭雄副搃兵趙鎮等次鎮羗堡擊之失利事聞命給事中

李仁往勸

丙寅冊順妃張氏為皇后


丁卯新建伯搃督兩廣兵部尚書王守仁卒于南安字伯安
餘姚人弘治己未進士授刑部主事改兵部正德事言事謫
龍場駟丞居夷力學益進生員異質好學專主良知好疑
信者半晚爭趨之自平八寨後屢告疾不允疾甚即解任道



卒年五十八 上聞之不憚

支大綸曰王文成鞠躬盡瘁病劇而歸没于道路亦可已矣而言者猶以擅離重鎮咎之世之忘功如此何喬遠曰王守仁以致知為致本心之良知有宋呂氏已有是說而朱學闢之其旨誠不知于大學何如孟子曰凡有四端于我擴而充之其近之與若其做僮權譎以之蹈艱出危孔子所謂作易者其有憂患乎至夫招朋講學雖在兵間倥偬不廢臨成敗晏然無所懼喜可謂加齊卿相不以動心所謂豪傑之士耶

談遷曰昭代名公卿最盛靖遠威寧新建俱以王氏封餘無望焉彼雖韜鈴顯于文學矐乎後之也新建度越諸子倡明絕學結世儒之舌寧不誨妬乎哉功不能疵回而疵其學曰近禪噫管大夫霸佐仲尼仁之即禪乎何尤王世貞曰吾時見守仁鄉人及其兵行地者道守仁智不可測如神云高鳥盡良弓藏雖得保首領乃弗克終有爵土迨子孫也吁悲哉其為說固未盡合朱氏然亦洒然可嘉所自得深矣學者又加甚焉分門植黨以為勝朱氏然此守仁罪也政雄蕤橫放不鑿不蹈能發所獨見難矣



十二月戊辰朔宣府滴水崖堡卒郭春等多負進糧甲不對簿
至焚劫副總兵劉淵解諭之尋伏法

庚午葬 悼靈皇后

套虜二千餘騎自寧夏渡河寇史家溝至青沙峴總兵杭雄
擊之敗績

癸酉兵部右侍郎王廷相為左侍郎採木工部右侍郎黃衷

改兵部右侍郎詔邊民歸自虜中量勞之有馬則給其直

丙子虜入大同掠陽和天城平虜三衛及雲朔把總指揮趙

源苑之官軍頗斬獲引去

定土官入貢遵禮部坐名道大江時湖廣忠孝安撫司把事

田春等稱貢駙騷

夜彗見西南

戊子戶部左侍郎梁材為戶部尚書

團營尚書李承勛劾武定侯郭勛并求退不允勛自辨戒諭


謙協

己丑土魯番虎力納咱兒以瓦刺三千騎犯肅州至老鶴窩

堡時撒馬兒罕貢使留堡中虜呼與語游擊將軍彭信急擊

斬數級虜言欲貢 不聽前敗之虜走亦斤上書委咎瓦刺

國權 嘉靖七年




摠制尚書王瓊請宥其罪仍通貢兵部尚書胡世寧言土魯
番校甚宜閉關絕貢霍韜疑番書不印臣謂雖印不足據牙
木蘭我屬番被虜執其來歸為反正宜即厚之携其黨若興
復哈密則非中國之急也哈密三立三絕其民散盡使更立
他種彼強則入寇弱則縱役非不侵不叛之臣且哈密之復
其力豈能截北虜俾不過河入套也故立之亡益徒令土魯
番挾之為奸利耳誠下王璽瓊書曉諭夷使許貢使毋過十
五人又諭速檀滿速兒責獻虎力納咱兒或斬瓦刺百人以
贖否則留使留兵庶威信並行令牙木蘭來歸土魯番漸弱

哈密距關千五百里赤斤罕東諸衛皆已款塞遠涉流沙較
前為難故甘肅之憂不在土魯番而南有亦不剌北有瓦刺
最驍勦近邊此甚可憂也且瓦刺方怨土魯番如謀臣能利
而誘之自相携二亦伐友之術也 上然之

乙未水西宣慰使司土舍安萬銓以兄子幼借襲宣慰使

丙申戶部右侍郎王軌為左侍郎工部右侍郎何塘改戶部
右侍郎

丁酉禮部右侍郎嚴嵩還自顯陵言棗陽出白石群鶴翔繞
碑入漢江河流驟漲宜勒石以紀天眷從之



徐學謨曰此嵩得君之始一時尊諛後來專寵狼籍則貢
符獻瑞為之權輿矣世道污隆之變豈偶然哉
是年平涼大旱飢人相食斗米三四錢民流亡十之八

國權

嘉靖八年己丑

正月戊戌朔風霾晝晦

己亥許今歲鬻武爵濟西陞初 部請開納遂暫行

賑陝西饑

壬寅南京提督機房太監李政乞准鹽織造切責之

乙巳撫治鄖陽右副都御史林富為兵部左侍郎兼右僉都

御史巡撫兩廣提督軍務初王守仁疾甚薦富自代


國權

嘉靖八年

一

鹽官設遷孺木著

國家圖書館, NATIONAL CENTRAL LIBRARY, TAIWAN, R.O.C.



丙午兵部尚書胡世寧請薊遼宣大各增兵將錄用改都史
御馬吳陳九疇副使施儒楊必進廣屯種興鹽法預收糴以
足邊儲 上從之惟不增兵

丁未侍講學士許誥上聖學四事講河圖洛書戒禪學略註
疏屏小道

庚戌 上南郊

壬子土魯番貢獅

甲寅大計覲官旌卓異餘千縣丞周誼預焉

丙辰長星出氣亘天

楊一清言弭災之寔卹民窮脩武備惜人才飭言官從之

丁巳大學士前少保石瑄卒真定人成化丁未進士授檢討

歷禮部尚書直閣議 世廟見忤正直廉靜為時所重

戊午諭脩省諸大臣各自陳條議以上


庚申吏部尚書桂萼言胡世寧薦馬吳非是命罷之萼請錄
建言緣事諸臣鄧繼曾季本陳相等許酌用

套虜萬餘騎駐楊柳堡上戒嚴

乙丑復蘭州莞糧郎中

兵部尚書胡世寧致仕

國權 嘉靖八年



丙寅雲南左布政使徐讚為右副都御史提督撫治鄖陽
河南礦盜平

總制陝西王瓊言沙州番酋帖木哥土把等避土魯番入肅
州其部落內附半居白城山半居威虜城仍簡銳四百人聽
練牙木蘭雖降妻尚在番宜徙之遼東 上命徙湖廣

二月丁卯朔考察拾遺叅政胡纘宗副使何鰲屠德墳蕭鳴鳳
等並降罷


戊辰吏部奏覆原王守仁 上意未解詔議其學術事功
科給事中周延稱其賢謫太倉州判官

虜犯寧夏

甲戌岷世子譽榮代父彥汰理國事力辭許之

鷹房內臣以太廟獻新乞留鷹犬禮部言奉先殿歲薦鹿鴈
雉兔猪鵝雞鴨等載在會典有定例請悉縱鷹犬命薦新視
會典所定

傳王守仁世爵邱典并禁其學術吏部尚書桂萼等議守仁
事不師古言不稱師立異為高則非朱熹格物致知之論衆
論不與則著朱熹晚年定論之書召致門徒互相唱和傳襲
轉訛悖謬日甚若功有足錄罪不相掩宜免奪伯爵申禁邪



說 上是之

丁丑襄陽大飢賑之御史張祿上飢民圖

戊寅熊浹為右都御史署院

提督團營武定侯郭勛受罪戍金輅賂擅縛指揮王臣被劾

罷其典兵及保傅官階

錄安慶士民李時憲等守禦功

己卯核在京錢糧出入之數

癸未上禱雨南郊躬告太廟世廟

山東巡按御史馬津請墾青登萊濱等州曠田薦叅政張宏

可任從之官給直免科三年

甲申上祈雨南郊及山川壇

乙酉禱社稷壇

丙戌籍鷹房田召民佃種

洮州岷州屬番殺千戶馮綬馬應爵等王瓊發兵至洮

岷遣撫夷指揮宋武等諭之惟洮州東路若籠族西路板爾

等不聽


丁亥河南陝西四川湖廣災

戊子大學士楊一清請開王親京職之例及陞轉王府官下

國權

嘉靖八年

四



吏禮部議格之

庚寅夜金星犯天街上星

廷議哈密降人願還者聽之其都督以下等官免赴京承襲
癸巳諭戶兵工三部核錢糧積弊

遣給事中御史巡視各倉場內庫監局南京亦如之

先是各陳所見上之二司其可用者部院條議以聞 命觀官

至是部院類上布政鄭韶查約江曉胡忠按察使胡璉劉士

元錢宏副使王俊民叅議周鎬僉事朱珮知府孫存黃卿游

連汝陽知縣白綱徐聞縣丞林應聰

甲午豐城侯李旻提督團營

虜入河套寇寧夏六七千騎悞報三百騎搃兵杭雄副搃兵

趙鎮等以三千騎出平羗堡聞精銳羸騎當我佯敗我逐之

中伏大敗死傷二百人亡馬七百匹雄鎮匿敗狀事聞下兵

科給事中李仁勸

兵科都給事中夏言勸青羊山勦賊功罪還請進潞州為府

從之立潞安府平順縣設兵備道


改方獻夫吏部尚書

乙未諭都察院下各巡按錄囚

國權

嘉靖八年

五



三月丙申朔署都指揮同知沈希儀為右叅將分守廣西柳慶
茂茂 上御經筵祭酒陸深講孟子畢奏講章為內閣所改
乞容臣等各盡其愚方鴻臚寺贊禮 上不悉聞也深退疏
引罪桂萼呈原稿命經內閣如故

部尚書吳一鵬胡瓚致仕

廣東按察僉事林希元上荒政叢言救荒二難得人難富戶
難有三便極貧便賑米次貧便賑錢稍貧便轉貸有六急飢
甚急餽粥疾急醫藥病起急湯米沒急殮瘞遺兒急救養係
囚急寬卹有三權貸官錢興工作借牛種有六禁、侵漁禁


攘盜禁過糴禁抑價禁宰牛禁度僧有三戒戒遲緩戒拘文
戒遣使下戶部悉行之

辛丑兵部尚書李承勛請申會議會舉舊制報可

悼靈皇后主祔太廟

癸卯祭酒陸深言講章不宜內閣改定又乞訓詁之外凡政
事得依經比義條悉以聞 上以深險詐下吏部言深不敬
謫延平府同知

甲辰提督南京倉儲左副都御史羅欽忠再引疾 上怒免
其官



立各鄉社養倉兵部左侍郎王廷相議

上禱雨未應作自咎詩禮部刊布中外

官軍攻洮州東路叛番斬二百三十九人

乙巳禮部左侍郎李時為尚書

都督同知桂勇提督團營兼巡捕

丙午工部立庫曰節慎

寬廷試讀卷一日

丁未山西副使牛鸞得青羊山盜名藉命燬之釋疑

戊申御馬監太監麥福請復徵草場田租不許

禁京師佛會

裁守備監槍市船等內臣併于鎮江太監

乙丑禮部右侍郎嚴嵩為左侍郎戶部右侍郎何塘改禮部

右侍郎

海盜掠常熟縣

四月丙寅朔河南布政使周用為右副都御史提督南贛汀漳

丁卯 上御經筵左春坊左庶子盛端明講孟子氣促被劾


調南京尚寶司卿

勅脩會典增近來條例總裁大學士楊一清張璉桂萼翟鑾

國權

嘉靖八年

七



副總裁尚書霍韜顧昂臣纂脩太常少卿謝丕左春坊左庶
子穆孔暉右春坊右庶子方鵬侍讀學士許成名張潮許誥
席春南京侍講學士吳惠右諭德彭澤右中允廖道南右贊
善林文俊蔡昇脩撰倫以訓龔用卿王用賓編修王教張星
徐階楊維傑歐陽衢金璐張袞歐陽德

已巳庶吉士唐順之陳東任瀚胡經盧淮諸邦憲汪大受郭
宗臯蔡雲程楊祐汪文淵王表曹汴王穀祥熊過安如山鄭
大同李寶孫光輝吳子孝閣臣請官教習 上謂近年每為
大臣私黨又寢之吏部尚書方獻夫奏增侍讀侍講脩撰各

三人編修檢討各六人著為令

嚴西番貢使出入之禁

撫治鄖陽右副都御史徐瓚巡撫河南


壬申巡撫甘肅右副都御史唐澤為戶部右侍郎陝西布政

司叅政趙戴載為右僉都御史代澤

兵部尚書李承勛仍兼團營

甲戌禁勲戚妄乞莊田

乙亥攝代府事泰順王克燿奏臣考懿王當祔廟而自簡王
來戾王隱王惠王思王已五廟請定祧制禮部尚書李時議



簡王始封百世不祧今祔懿王則戾王親盡當祧第諸侯無
祧廟宜祔簡王之室積藏之歲暮合祭從之

丙子禮部右侍郎何塘予告

始遣屯田御史舊按察僉事

福建同安儒士李如玉上周禮會註十五卷賜冠帶

大理寺卿陳璋疾歸

丁丑甘肅督餉右僉都御史劉天和兼總制三邊兵餉

戊寅浙江左布政使潘旦為右副都御史撫治鄖陽

己卯戶部尚書梁材等議天下歲用于宗祿曰嚴妾媵之限

曰收山場湖陂稅課河泊之利曰裁旗校軍匠之食于軍職

曰清屯田曰嚴比試曰定法令 上是之

庚辰右副都御史張璉為戶部左侍郎南京右副都御史蔣

璠為工部右侍郎改南京大理寺卿葛浩于內大理寺卿


壬午楊一清薦永嘉葉幼學為翰林待詔蓋張璉意也

丁亥刑部尚書高友璣以訊庇郭勛免奪勛祿三之一

戊子總制陝西王瓊言右副都御史唐澤御史劉濂議處哈

密皆身歷確見會奏未允故今日紛、迄無定論澤等曰土

魯番據哈密有已然之跡有當然之理有必然之勢撫之以



息而彼志益驕震之以武而我力先屈此已然之跡也順則
緩之而不為之釋備逆則禦之而不為之勞師此當然之理
也處置得宜則遠服邇安處置失宜則兵連禍結此必然之
勢也蓋師不可以輕舉寇不可以橫挑其大者有五焉軍額
空虛屯田多荒一也我久戍而疲彼長驅而銳二也我失瓦
刺之援彼合瓜州之力三也河東臨洮傷夷未蘇赤斤諸衛
零落殆盡四也西南防海上之虜東北梗山後之戎五也竊
謂度今之勢宜許土魯番之貢索還城印存繼絕之名開劾
順之路選將蒐乘募民墾塞下然後招瓦刺屯苦峪城取沙

哈密襟帶西域將無不可若今日則非其時也 上從之

辛卯饒秀戴儒劉希簡為戶刑工科給事中

壬辰戶部主事倪組方一桂沈奎許廷桂徐淮刑部主事吳

麟梁尚德傅烟大理寺左評事孫錦並為御史

五月己酉朔丁酉右都御史張琮光祿寺卿劉乾應天府丞楊


燦俱罷

南京

戊戌汰中外各衛旗校力士

庚子更定冕弁及群臣朝祭服制 上問張璫以草帶對陳

祥道禮書古草帶大帶曰磐帶以繫佩鞞然加一大帶笏搢



于二帶之間 上遂改祖制衣裳各六章復古蓋自来衣八章裳四章

丙午陝西總兵都督同知魯綱疾還莊浪

南京刑部尚書周倫改刑部尚書

命廷臣四品以上各舉知府之選翰林科道各舉州縣官

核南京御馬監草料

甲寅禮部右侍郎何塘為南京右都御史尋罷

朱睦㮮曰何以守身之潔一介不取蹈道之堅百折不回非聖門所謂狷者乎使其鵠立其端多歷年所上能明朝

廷之法紀亦能起天乏頽習然不幸一麾遠出偃蹇白首卒不能一信其志悲夫

劉文充總兵官鎮守陝西

乙卯免順天河間真德定順德廣平旱蝗田租

己未南京守備太監卜春王鏜前有罪免賴義呂憲李璫代

辛酉南京操江右副都御史孫价罷

汰御馬監勇士三千四百三十八人


賜楚府儀賓沈淵從一品服俸淵前上大禮議

六月甲子朔命兩京文武堂官及方面官每季揭覽如弘治例

國權

嘉靖八年

土




乙丑南京吏部右侍郎湛若水改禮部

戊辰大學士桂夢上輿地圖

故右副都御史周南贈太子太保

癸酉詹事霍韜等言臣等脩會典先閱冊籍見洪武初天下田土八百四十九萬六千頃有奇弘治十五年存額四百二十二萬八千頃有奇失四百二十六萬八千頃有奇是田存半失半也國計何從足耶臣脩按天下田額湖廣二百二十萬今存二十五萬失一百九十七萬河南一百四十四萬今存四十一萬失一百有三萬此非撥于藩府則隱于猾民或

冊籍有悞不然何至此極也廣東田二百三萬今存七萬失十六萬非荒據于寇賊則欺隱于猾民也由弘武迄洪治百四十年田額減半再數百年減失不知又何如也搃國計者可不究心乎天下戶口洪武初戶一千六十五萬有奇口六千五十四萬有奇甫脫戰爭其寡宜也弘治四年戶僅九百一十一萬頃減百五十四萬口僅五千三百三十八萬頃減七百十六萬國初戶口宜少而多承平時戶口宜多而少何也乞再勅戶部覈寔送館稽纂又天下藩府弘武初年山西惟晉府歲祿萬石今郡王鎮國輔國將軍中尉而下共二千八



百五十一人歲祿八十七萬有奇山西田額初四十一萬有奇弘治十五年存三十八萬頃祿則增田則減舉山西推之天下可知也乞勅禮部戶部覆定送館稽纂又天下武職洪武初二萬八千餘員成化五年增五萬一千七百餘員錦衣衛官洪武初二百一十一員今千七百餘員乞勅兵部覆定送館稽纂又天下文職洪武初官有定額故教易稽今冗員日多職守日紊臣攷漢光武裁州縣四百止七千五百餘員唐文武官一萬八千八百餘員宋文武官二萬四千餘員今成^化五年武秩逾八萬合文職逾十萬矣是職員極冗未有甚

于此時也乞勅吏部詳查送館稽纂又內臣祖訓甚詳弘治間儒臣失攷乞下司禮監備查洪武初各監局職掌負數送館稽纂若刑工部都察院凡役匠之制官府之需物料之準律令異同之宜弘治間庸臣舞智陰壞成憲乞勅廷臣酌定亦萬世太平之幸也 上令各官詳核沿革送史館


南京禮部尚書劉龍改南京吏部尚書

甲戌起張璠為南京右僉都御史提督操江

丁丑虜入尖山墩官軍失利

庚辰罷兵部右侍郎黃衷

國權 嘉靖八年



辛巳旱蝗免山東旱稅

癸未裁內庫上供白粳二萬六百八十二石

甲申前大學士楊廷和卒字介夫新都人成化戊戌進士授
檢討進脩撰歷侍讀左中允遷左春坊大學士兼侍學讀士
陞詹事直內閣進戶部侍郎改南京吏部左侍郎尋進南戶
部尚書改內戶部尚書文淵閣大學士贈少師有經濟才武
宗末內誅奸彬外康庶政宗社賴之 世宗初革弊宣猷朝
政一新以力爭大禮削籍卒以廢人禮葬 穆宗即位贈太
保謚文忠贈祭葬

鄭曉曰 康陵時劉公鞠躬盡瘁以匡其始楊公撥亂反

正以扶其終或去或不去拘之為大臣或曰公之議大禮

也可以議其名而未敢以許其妙若夫 康陵之朝非但

人不知其妙而亦不能信其忠是以當時知公者有李文


正梁文康費文獻數人耳文正必得公而後敢一去與費

二公亦必得公而後敢即安則公之所繫為何如哉

何喬遠曰大禮議起楊公歎曰衆尤交責吾何逃乎義之

尤我命也人之尤我遇也事之尤我時也吾有去而已乃

被廢家居言及受遺之際泪未嘗不簌下也彼亦有以



自跡其時虛大位以四旬迎 嗣君于千里烏獲在側磨
牙設舌楊公處之周勃韓琦未足專美也吳中徐學謨曰
史道下獄廷和乞罷累旨慰諭可謂優渥乃請辭五六而
不休至毛紀蔣冕林俊孫交彭澤喬宇相繼求去一時大
臣未免高激成風失事幼君之體自後邪人伺隙離間新
進用而老成削迹矣

巡撫山西都御史劉大謨免

國子監復立進士題名記者為令

庚寅河南左布布使張瀚為右副都御史提督鴈門等關兼

巡撫山西

辛卯工部左侍郎何詔為南京刑部尚書南京太常寺卿顧
珀為南京戶部右侍郎起陳洪謨兵部右侍郎
九江兵譚都指揮萬傑憾安慶知府羅英縱卒索餉英出走
事聞下傑吏

頒新定銅衡于天下


七月甲子朔福建都轉益運使黃宗明為光祿寺卿

右都御史熊浹罷刑部郎中魏應召工科給事中陸燦下獄
都人張福殺母誣其鄰張柱東廠庇之法司執正皆得罪陸

國權

嘉靖八年

五



案言人畏東廠錦衣衛威心知其寃不敢辨理今敢與之爭者恃聖明在上容臣子守法也 陛下何詰責之深哉工科給事中劉希簡亦言之俱下錦衣衛竟抵張柱之罪

設遷曰李福建詞連郭勛則張柱奮身而護之張福殺母大惡也事出東廠噤不一發將廷論易攫闔忽難融與否則寧容默處此乎

乙未兵科給事中孫應奎楊清尚通難獨任張璉學博性論偏桂夢桀驁大負委任 上諭夢滌過 楊一清求去云與璉夢凡事齟齬心知其非力不能奪包荒


負國寔在于此 上慰留之張璉桂夢各引疾 上諭璉資性剛速宜思協恭諭夢質任寬迂回致物論宜加脩飭

戊戌提督南苑太監孫端乞免南苑戶役不許 大真人張彥頰遣其徒詣川廣雲南採取道經供品騷擾雲南巡撫歐陽重以聞

庚戌南京戶部尚書王承裕北上至天津有疾還里被劾罷 上魯番速檀滿速兒入貢

癸丑禮科給事王準劾張璉桂夢薦舉徇私不問

丁巳巡按直隸御史魏有本言頃仍停浙直織造待豐歲今



又命織造上違德意下失民心仍乞停止不聽

戊午吏部覆吏南京科道所薦舊臣羅欽順秦金趙璜等報
罷兵科都給事中夏言請設巡視海道都御史江淮總兵以
捕盜從之

庚申前少保兼太子太保左都御史陳金平湖廣應城人成
化壬辰進士令婺源拜南京御史歷今官總制江西討群盜
平仍提督兩廣有幹局居官四十餘年家無餘貲

辛酉定國公徐光祚卒謚榮僖
兵部請錄故提督兩廣右都御史韓雍後不允

八月甲子朔虜警練京兵聽征

乙丑兵部尚書王憲改左都御史

提督兩廣兵部左侍郎林富請停廣東採珠不聽

丁卯增遣南京給事中同御史監各項錢糧出入歲終冊報
惟內承運庫不與

庚午召南京工部尚書章拯于工部

復京省清戎御史


辛未祭酒魏校改太僕少卿經筵進講不稱旨改用

壬申起張雲戶部右侍郎巡撫遼東兼右副都御史

國權

嘉靖八年


十七



癸酉都指揮使崔文為都督僉事提兵提督上下江防捕盜
丙子工科給事中陸繁劾張璉桂萼固上行私專權納賄擅
作威福報復恩仇璉雖狼狽自用執拘多私其術猶疎為害
猶淺桂萼外若寬迂中實深刻忮忍之毒少犯必死如受賂
王瓊以謫成起用邵杰本邵氏養子嗣昌化伯鄉人文選郎
中周時望胡森主事楊麟王激皆親故璉權禮部左侍郎嚴
嵩右僉都御史李如圭南京太僕少卿夏尚朴禮部員外郎
張啟御史戴金皆奸黨比周恬惡益甚將來必為社稷之憂
有旨璉負君忘義勒回家省改萼革散官并學士以尚書致

仕周時望胡森下獄罷邵杰嚴嵩李如玉繁不早言并下獄
已給璉駟

吳瑞登曰璉萼以議禮得幸正當退自謙抑從容自守以
需首輔可也乃相與協謀務旦夕攬權以逞雄杰之才連
疏以攻費宏、既去矣再肆中傷以詬楊一清一清亦將
不安其位然卒不能逃 世廟之神鑒也嘗言璉自伐其
能恃朕所寵又言好剛使氣則公輔之量何存也繁疏一
入即命罷未几再去再還 世廟蓋欲挫其性而使之改
也然至死不改謂之何哉雖然苞苴不入中貴載、亦以



才稱矣若芻者兇憤恣暴內忘桂華之教外攘趙鑑之臂
而中又與璉不相能也可與璉同論乎
林之盛曰陸公之論黜張桂其右張而左桂是非千載能
辨之霍文敏寔擁戴二公為攻文襄而故以不蚤收淹棄
為永嘉罪若言官之彈墨特放臣之孤憤也豈非門戶之
見為之深蔽而工為挑激者哉乃當年帝紘丕振張桂既
去而來文襄方留而去大臣進退朝白簡而夕避賢雖予
奪皆自君恩而去就磊落益足發閣負之風采矣噫此
肅宗之所以厲世磨鈍而赫成其中興之駿烈也與

丁丑南京通政司叅議太僕光祿少卿吏部文選驗封稽勳
司戶部各司員外郎禮部儀制祠祭司兵部車駕武選司員
外郎刑部各司員外郎雲南貴州司主事翰林院檢討武學
訓導都察院檢校各道御史大理寺左右寺副國子監助教
學錄五府都事等俱裁其一

裁壽州正陽權関

戊寅勅諭文武群臣明張璉等罪


庚辰侍講許誥為太常寺卿署祭酒

朝鮮使臣吏曹叅判柳溥等求改正傳國本末許之言李旦

國權

嘉靖八年

九



先名成桂世全州人元(至辛丑)當高麗恭愍王之變亡子權
臣李任仁立嬖臣辛旽子禍先嘗養宮中禍擢成桂為門下
侍郎禍傳位子昌 高皇帝斥偽姓以定昌君瑤主國事瑤
又不義國人推立成桂 高皇帝命為國王改名旦而祖訓
會典云李任仁故求改 壬午 上憂災異特禱山川壇
甲申右春坊右諭德彭澤大理寺丞葉忠被劾調外

丙戌摠制陝西尚書王瓊劾罷

詹事霍韜言張璉桂夢不善保全自取罪戾夫復何言然事
雖專主心定可諒若楊一清奸贖難以枚舉如納張永蕭敬

之餽私門生馮涼鼓嗾言官攻擊璉夢陸粲以文選郎中周
時望主事楊倫皆夢親黨胡森王激皆璉親黨粲非蘓人乎
亦一清親黨也去年議禮允攻璉夢者得罪今附璉夢者又
得罪則百官何所適從也臣與璉夢同進宜宜獨留乞賜罷
斥報聞初議禮惟璉夢韜席書方獻夫最信用璉夢專恣雖
上亦不能堪璉夢去言官欲窮治其黨紛呶百出韜疑一清
嗾之因力攻一清默救璉夢 上心頗動


巡撫山西王堯封巡視浙江福建海防

丁亥起胡世寧南京兵部尚書

國權

嘉靖八年

干



戊子科道劾總夢餘黨

己丑吏部尚書方獻夫論黨事如無顯過宜令仍任 上是
之命公議

庚寅覈國子監糧額缺蝕逮責典守官

九月癸巳勅召張璉直閣璉時行及天津初璉陛辭 上密諭
一清可還相否對以甫榜其罪宜待其至家召之 上乃止

甲午楊一清求去不允

乙未工科給事中劉希簡劾霍韜黨護下獄

丙申工部左侍郎劉思賢編修金潞 科都給事中楊秉義

御史劉謨教越太僕寺丞姚奎兵部郎中劉景寅戶部員外

郭憲禮部員外張敬南京刑部郎中劉汝輓御史儲良材待

詔葉幼學並免吏部議上

復王瓊摠制 上難其代也


作武弁冠服

辛丑南京刑部右侍郎邊貢為南京戶部尚書

謫陸繁貴州都鎮駙丞行人司副岳倫齊東主簿禮部科給

事中王準富民典史

浙江巡按御史張問行諫止織造謫溧水知縣



壬寅朱鳳嗣成國公 朱麟之弟

浙江左布政使劉節為左副都御史巡撫山東

癸卯霍韶乞假力攻楊一清贓罪韶仍留一清事下法司

甲辰免鳳陽淮安揚徐海災租

乙巳刑部尚書周倫改南京倫鞫陸察所劾桂萼私人為霍韶所劾并郎中陳之良貢外郎王行可坐免

丁未復彭澤右春坊右諭德刑部左侍郎許瓚為尚書

戶科都給事中蔡經上鹽法三弊曰開中科罰多端曰添引數非正額曰遲掣商販壅積

戊午復桂萼少保兼太子太傅吏部尚書武英殿大學士仍

致仕

辛亥刑部等議上楊一清罪張璵解之報聞一清引罪乞宥許致仕責科道不言各奪俸三月一清頗作好私其親故納賄亦不貲晚節玷矣

設遷曰桂薦楊文襄矣傾之亦張桂也元台者舊睨少年之色而進之割榮濡沫又不飭簞簋 上意早移猶悲


鳳池若兔裘然其見侮霍韶亦曰自我致之不得以報復

論也

國權

嘉靖八年

三十三



丙辰刑部右侍郎聞淵為左侍郎右副都御史汪鉉為右侍郎起周廣南京刑部右侍郎

已未免應天田租及河間州縣衛所田租

庚申行人高金陳侃推官王守胡堯時知縣董進第為給事中曾烜為南京刑科給事中南京刑工部主事李松劉安改御史行人周禪推官謝蘭喻希禮傅漢臣李循義余鈞陳琳陰汝登並試用御史行人馮恩宋宜學錄鄭文憲並為南京試御史

歲貢生樊益芳奏搢紳議論不出科道彈劾不當捕風捉影懷私嫁禍得旨通行戒諭

故安昌伯錢承宗庶子維垣求嗣爵吏部言外戚爵止一輩若傳世愈遠勳爵愈盛祿糧愈厄國何由供 上深然之下廷議

起顧璘江南西按察使

甲寅宣城伯衛鐸工部右侍郎蘇民脩仁壽宮詔江南捕蝗仍賑之


十月癸亥朔日食

太監臯謨言饒州陶器近遣內臣擾甚工部覆如之 上以

國權

嘉靖八年

三



不早聞仍如故

戊辰封厚熹吉王載盛永定王安勃新會王睦格東會王台
潮豐林王表櫟寧化王

刑部負外郎邵經邦言議禮與臨政不同議禮以明倫排衆
任獨而不為偏若用人行政當分忠邪酌才力與天下之人
公之今 陛下私議禮之臣是不以所議者為公也莫若博
選海內碩德重望之賢講明勵翼用建光明正大之論萬世
之後廟號世宗顧不偉與下獄謫戍邊衛
己巳太僕寺丞何淵屢奏禮書 上厭之謫永州衛經歷

停外戚世封惟彭城惠安以軍功居半免餘見封及身止著
為令

雲南巡撫歐陽重核餉兵大譁尋諭解免重官巡按御史劉

杲謫夔州推官


許廣東仍通番船漳州私市禁之

庚午總督漕運左僉都御史唐龍為右副都御史回院

山西陝西江西災傷免田租

甲戌免蘇州水災田租

丙子提督兩廣兵部右侍郎林富奏罷思恩府流官降為州



岑猛子邦相授土判官署事又裁鳳化縣立思龍縣于那久屬南寧從之

丁丑浙江布政使毛思義為右副都御史提督漕運兼巡撫鳳陽

兵科右給事中陳守愚請錄被謫諸臣以不指薦奪俸三月虜寇榆林王瓊禦卻之

壬午提督四夷館太常寺卿成文貴州左布政使胡訓並為右副都御史巡撫遼東雲南

癸未乾清宮西旁室災

甲申免順天永平旱蝗夏稅山東田租


己丑魏校為太常寺卿提督四夷館

免臨洮鞏昌旱蝗田租

庚寅故祭酒蔡清子推官蔡存遠上清易經蒙引命梓之

十一月乙未停山海關內臣征税

戊戌御史劉安言君道貴明不貴察 陛下治功損于任察躬親有司之事指摘群下之失或既出而復返或方信而息疑孰為 陛下建長久之計進治安之策哉 上怒下錦衣獄兵科給事中胡堯時上疏救之并下獄謫安江西餘干典



史堯時湖廣攸縣主簿

庚子召桂萼復相史館儒士蔡圻上章頌其功

吏科都給事中劉世揚上八事和養德消嫌疑久大任廣起

用褒廉介如石瑄清苦卒未得謚戒奔兢重巡按優言路

上以石瑄已得謚李鏊之謚何不早止之謫劉世揚江西布

政司照磨

巡撫四川唐鳳儀進樂至縣瑞麥一莖五穗

辛丑諭禮部禱雪

癸卯徐延德嗣定國公徐光祚之子

戊申 上禱雪南郊明日禱社稷壇果雪

壬子奪工部尚書李鏊贈謚

刊大明集禮

黔國公沐紹勛鎮守太監杜唐等採大理府和蒼山石山崩

壓人死亡筭事聞切責

丁巳 上躬謝郊壇吏部尚書方獻夫等侍讀學士張潮等

左春坊左庶子穆孔暉等各上靈雪詩賦


設遷曰靈雪應則賦咏詩禱雨不應則置之一時士風足

徵矣

國權

嘉靖八年

二六



辛酉定湖宗祿繁予金

故江西按察司提舉副使李夢陽卒字獻吉陝西慶陽人弘治癸丑進士授戶部主事歷郎中官劾張鶴齡兄弟及草奏劾逆瑾再下獄後官江西又坐誣累其詩文獨創冠于一代年五十八天啟初追謚景文

王世貞曰空同先生兩疏于弘治間擔荷世道不淺雖再下詔獄見以為煅煉而定益其剛果之氣若廣信之訟血氣與義氣各強半耳才高而病疎脫則入易名高而尚激厲則易染同舟遇風胡越相救而不知其伏機之至此也

一遇康德涵再遇林世用而後得免虎口噫嘻亦危矣

十二月甲子逮漢中知府藍瑞、酷甚輒細故斃人

己巳應天府尹王大用為右副都御史巡撫順天

辛未罷左都御史王憲、推宣大總督固辭被劾


水災免兩浙灶戶今年歲辦

癸酉施瑾嗣懷柔伯 瓚之弟

甲戌番夷入臨洮鞏昌大掠

子丙福建左布政使查約為應天府尹

丁丑 上親定百官朝服圖式仍會典之舊以習久而訛也



戊寅南京右通政余本卒鄞縣人弘治辛未進士授編修正
德初求便養改廣東提學副使忤罷嘉靖丁亥補山東戊子
四月南遷年四十八

庚辰刑部左侍郎汪鉉為右都御史

裁工部添設右侍郎

湖廣巡撫右副都御史朱廷聲請土司首領官即本省銓補
從之

辛巳定郊祀告廟詣太廟行禮初在奉先殿

乙酉賑真定榆林飢

丙戌停宣大摠制令戶部左侍郎張璉兼右僉都御史摠督
軍餉


丁亥挾群臣引疾三年以上者俱免官其親老重疾卿望非
此論

巡視浙江福建海防右副都御史王堯封引疾奪官浙江左
布政胡璉為左副都御史代巡視

監生錢潮蔡圻請遣召桂萼以狂擾下法司

庚寅減南京各關庫內臣

山東流盜平



國權

嘉靖九年庚寅

正月丁酉 上南郊

安南莫登庸自稱太上皇禪位太子方瀛改元大正作大誥

五十九年

壬寅頒敬一等箴于岳麓書院右通政何棟專理通惠河道

巡撫陝西右副都御史寇天叙為刑部左侍郎

復陝西督糧叅政及屯田僉事


國權

嘉靖九年

一

國家圖書館, NATIONAL CENTRAL LIBRARY, TAIWAN, R.O.C.

鹽官設遷孺木著



丙午吏科都給事中夏言請 皇后親蠶云向被命勸順天
田土曾疏改各宮莊田為親蠶廠公桑園未見舉行夫農桑
為天下本人主既親耕行籍田禮而 后不親蠶非所以昭
陰教示婦職也 上然之勅禮部具儀議于安定門外祀先
蠶并立蠶室詹事霍謫言南郊五里猶先日啟行 皇后出
郊難以越宿且別建蠶室則宮嬪命婦未見親見蠶事祇文
具耳乞擇近地便 上以古禮責之已戶部言安定門外乏
水浴蠶初禮部議皇城內西苑中有太掖瓊島之水况唐制
在苑中宜如禮部禮議 上陋唐人不足法其更定以聞

戊申 上復諭禮部親蠶

巡撫保定右副都御史錢如京言京畿地重守令須進士不
宜歲貢 上以不拘資格且科貢正途何簡輕之有


庚戌巡按雲南御史劉梟請罷採辦土酋孟密地方寶井寶
石不聽

准王祐楨請進鈔代馬以舊制不許

壬子駙馬都尉謝詔請如外戚例列肆召商不許

甲寅右僉都御史劉天和巡撫陝西

南京兵部尚書胡世寧疾辭許之寧夏早免田租仍賑之



虜犯宣府馬營赤城守備劉傳聞警砲率所部援之被圍數
重令士皆下馬步戰引滿四射矢無馬發最後射殺其酋長
虜駭去傳中矢如蝟比圍解甲裳俱卒臥創月餘卒
命團營右都督邵永搃兵聽征

丁巳賑山西飢

己未兵部左侍郎王廷相為南京兵部尚書

故脩撰楊慎成永昌求終父喪不允

庚申初 上諭禮部祭太社太稷奉我 太祖太宗配何義

宜太社配后土勾龍氏太稷配后稷氏至是張璫翟鑾等言

祖宗配社稷歷代祀典未載我 太祖稽古定制初無配位

後禮官張籌之失沿至今日惟 陛下獨裁命卜日具儀注

以聞

侯官獄潰先是侯官知縣黎文會酣縱重囚林汝美等餌獄
卒藏刃衣中率眾斬閔而出殺文會趨南門適監司候御史
于公署遂殺左布政使查約叅議楊瑀都指揮使王翱經歷
周煥賊入海後頗追獲


設遷曰查約盛德人也所在見思方兇監穉發戒勿犯查

公吏卒格鬥倉皇同命嗟乎奔車之上無仲尼覆舟之下

國權

嘉靖九年

三



無伯夷置其然乎

虜酋俺答吉囊始東西連兵二酋亦元裔于小王子卜赤為
從父行其大父曰歹顏哈有十一子次曰賽那刺有七子長
吉囊次俺答皆雄黠善兵吉囊壁河套直闕中俺答壁豐州
灘直雲代各九子子領萬騎弟老把都亦數萬騎壁張家口
日益強不受小王子約束小王子從壁東方直薊遼號王蠻

二月癸亥工部上蠶壇圖 上手改定

甲子定社稷配位奉 太祖太宗神牌于太廟之寢殿
丙寅太僕寺卿余贊致任

丁卯巡撫大同右副都御史蔡天祐為兵部左侍郎

戊辰 上祭社稷畢出郊祭先農行耕藉田禮

北虜阿爾禿廝五千餘人入紅城叅將彭濬拒卻之


庚午禮部上親蠶儀注

辛未江南道御史周禕上五事明史職恤水災清冊籍厚風
俗理駟傳 上善之

免順天永平田租

壬申定百官謁文廟禮凡不與陪祀則常服從其後

癸酉初 上問張璁郊祀宗祀冬至園邱夏至方澤及日月



報配之說摠引漢宋及國初分合異同以對上未善也摠
密語吏科都給事中夏言言因奏國家合祭天地于大祀殿
太祖太宗並配又祀不于至日而于孟春俱不應古禮宜令
群臣博考禮書及漢宋匡衡劉安世永熹之定論以太祖
初即位詔為據上大悅下廷議禮科給事中王汝梅等詆
言妄上切責之諭禮部集議

乙亥巡撫延綏右僉都御史蕭淮移大同

李璋為署都督僉事提兵官鎮守貴州

賑京師流民令天下脩舉養濟院實政

丁丑右都御史汪鋹請禁約官民服舍一依會典品級報可

辛巳議親蠶樂舞禮部以北方郊陰方其色黑漢蠶東郊魏

西郊俱色尚青今樂女生冠服宜黑制度同先農樂生從之

甲申蘇州同知徐州不職巡撫陳祥劾之巡按魏有本則薦


吏部擬調吏科都給事中夏言以為言有本坐免官

乙酉陝西左布政使胡忠為右副都御史巡撫延綏

戊子免福建逋租

庚寅黜前雲南巡撫右僉都御史歐陽重削籍重與桂萼同

鄉人謂萼黨重疏侵摠萼方獻夫也



免浙江田租


五月辛卯朔賜各科道大學衍義

甲午巡撫山東劉節總督漕運巡撫鳳陽

丙申張璠上郊祀考議下禮部命以皇祖存心錄祭祀禮儀書仍會議詹事霍諠謂祖制不宜輕改南北分祀惟見周禮莽賊偽書不足據夏官曰宋儒葉時云郊邱分言之說當以周禮為定秦去古未遠祀天山下祀地澤中漢之郊祀甘泉祀地汾陰則秦漢天地之祭猶分也至元始間始合于南郊寔自王莽陰媚元后始漢以後分祭亦間有之魏文帝之

秦和周武帝之建德隋高祖之開皇皇睿宗之先天皆分祭也開元禮則專合祭矣宋元豐元祐紹聖俱議合祭以郊賚之賫每傾府藏從者約耳亦未嘗以分祭為非禮也今議者以太祖定制不當改不知分祭固太祖初制為可復也大祀殿以之祀天則不應經義以之享帝則脗合周禮然太祖太宗並配父子同列稽之經旨又不能無疑周人郊祀后稷以配天我太祖足當之宗祀文王于明堂以配上帝我太宗足當之區區之意有見于此敢併承之下禮部

已亥召夏言使殿賜墨書褒諭予四品服許凡事直陳



庚子專詹事霍韜下都察院獄韜敗夏言書切責之言志上

其書曰劾韜五罪 上怒甚張璁力為解不聽

丙戌薛翰嗣陽武侯

丁巳 皇后行親蠶禮于北郊祭先蠶

湖廣按察使周期雍為右僉都御史飭整薊州邊備兼巡撫

順天

己未張璁申分祀並配之議云分祀從古並配從今下禮部

是月阿爾禿廝自莊浪北鎮羗堡入西海結姻於亦不刺小

子丞亦不刺女許小王子至是阿爾禿廝小奪為子婦王悞

仇殺歿假道入套令數十人詭為僧丐被獲王瓊檄寧夏為

備摠兵官趙瑛與巡撫翟鵬不協乞免

四月庚申禁邊衛軍改近衛

故右都御史程宗之孫政乞補廕上以太濫自今已廢物


故者不得復補

乙丑裁鎮雄府流官復授芒部土裔隴勝為通判署府事

丙寅右都督杜勇摠兵聽征

前大學士楊一清追免一清嘗薦太監張永受金器永沒作

墓志其家復遺金器事發奪官閑住追所受金



長樂太常山鳴

戊辰禮臣上群臣郊祀配典申議有旨如所擬大祀奉太祖太宗並侑二至之祀奉太祖奪獨配張璉議主並配既抵牾四三往復甚苦璉卒不可上下禮部徑行之

癸酉巡撫湖廣右副都御史朱廷聲為刑部右侍郎

都督僉事卜雲僉事左府諭各部院議救災卹民之實

乙亥申定覆奏舊例不得延緩

乙卯桂夢入朝

壬午漕運總兵楊宏劾免

癸未大學士張璉等尚書方獻夫等視圓邱

右僉都御史李如圭為右副都御史巡撫延綏兼理賑濟

甲申定土官襲職先報名核定


時有上書祀高樞禮部議擇地于宮之震方建壇歲仲春祀上難其行

京師大風霾命議延綏賑恤

南京御史郭文憲言親蠶之議夏言未必是霍韜未必非且

天地分祀則父母異處郊外親蠶則內外失閑上怒謫

丁亥原霍韜罰金還任



戊子脩南京太廟

五月庚寅朔錦衣衛指揮施傳再乞莊田不許

癸巳逮太監常霖

丁酉總督倉場戶部尚書李瓚致仕

山西巡鹽御史王宣薦屬官五十二人右副都御史汪鋹言其濫舉免官

戊戌禮部以大同巡撫張文錦前守安慶功宜量卹不許

壬午左都督桂勇辭東廳提督先是羽林衛指揮使劉永

昌言其權重

逮御史廖自顯擅筆指揮胡謙等非制也

辛丑武定侯郭勛僉書中府

壬寅巡按陝西御史朱觀論前巡撫延綏蕭淮奸利有跡而

總制王瓊上其功互異命數實

四郊肇工勅武定侯郭勛宣城伯衛鐔大學士張璁知建造

事禮部尚書李時督視工部左侍郎蔣璠提督右都御史汪

鋹吏科都給事中夏言監察


癸卯孫家渡河隄成

丁未迎翠殿南織堂成

國權

嘉靖八年

九



己酉起戶部左侍郎王軌總督倉場

左僉都御史李如圭以右副都御史賑濟榆林吏科都給事中夏言超擢左僉都御史御史熊爵謂言出如圭以為已地言辭不拜命四品俸

辛亥都指揮僉事劉淮總兵鎮守遼東

甲寅廣西兵破猺賊平

清內府各監局匠役

乙卯內召巡撫四川右副都御史唐鳳儀佐院

阿爾禿廝衆二萬道寧夏禦之不能得

懷柔伯施瓚卒

臨漳王炯厚薨謚康瑞

戊午前太子少保工部尚書俞琳卒浙江臨安人進士


六月己未朔立國子監敬一亭

定牧放營馬之利故事春夏放牧入秋回操給芻嘉靖六年郭勛改全給至是夏言奏留六千匹餘放牧遂量三千匹

庚申武定侯郭勛都督五營操練

阿爾禿廝自鎮遠關渡河入套

壬戌左通政宋滄為右僉都御史巡撫四川



癸亥立曲阜社塾教三氏子孫

丙寅河南巡撫右副都御史徐瓚獻瑞麥百本一莖二穗亡
何訓導范仲斌上巴縣瑞麥一莖五穗都人言瑞禾郊生稱
賀張璉上嘉禾頌

庚午刊大明集禮成 上自序之

真定大旱遣禱北岳果雨

乙亥陝西巡茶御史陳情濫舉劾免

吏科都給事中夏言奏給事中額五十八人舊進士選補弘
治間始及行人博士正德間及推官知縣今旋行旋廢乞復


舊例通選從之

免核黔國公田土

庚辰摠制王瓊遣摠兵劉文破洮岷番夷若籠板爾等族平
之獲甲首三百餘平七十餘族瓊規築楊一清故塞屬之榆
林未成即奏行賞如奈子俊廕子例然子俊無之也

辛巳先是豐林王台瀚上四事崇輔導建學校定子女均人
役下禮部議上不果行

出內府金銅玉石鐘磬于神樂觀考正音律仍命徵能諳律
呂者




河決曹縣分三道出徐州

七月戊子兵部武庫主事趙時春言曰災求言之詔未乾而慶賀聖瑞之奏屢上往年靈寶縣有言河清受賞都御史汪鉉遂進甘露令副都御史徐瓚訓導范仲斌又進瑞麥指揮張楫進嘉禾汪鉉楊東又進藍花禮部再請稱賀矣仲斌筆猥賤不足責汪鉉徐瓚楊東等風紀攸司禮部尚書李時等官居八座職典三禮亦徼利罔上臣所以拊膺流涕也若不嚴禁此風漸長大非國家之福望申令百官有依托符瑞熒惑聖聰者即加誅譴庶可化佞為忠上怒云大臣科道既

無陳說時春必有諤之論其以聞時春皇恐引咎上趣之時春言今日大務有四崇治本信號令廣延訪勵庶耻急務有三惜人才固邊圉正治教上責其擬拾賣直下錦衣獄拷訊削籍

福建平和知縣王祿請立獻皇帝廟于安陸封崇仁王主祀如禮部初議又預養宗藩子備儲貳免其官
庚寅南京內臣高昇貢魚笋腹索舟殺棄笋止進魚兵部奏其違命命按之

辛卯提督四夷館太常寺卿魏校致仕



甲午廣東左布政使劉士元為右副御史巡撫貴州

申飭提學官正文體汰附學

乙未雒昂沈繼美張璽王楨秦鰲傅學禮王崇業葉洪曹汴

祝詠王納言管懷理郭應魁王機薛申潘大賓王紐張裕王

希文戴繼丁湛趙國良為給事中蔣貫李士文南京戶工科

給事中

詹事霍韜憂去

勅獎隰川王俊柏俊柏乞春秋省墓鳳陽并上文錄

丙申太常寺進御製祈穀樂章音譜

戊戌前征西將軍右都督杭雄卒

庚子右春坊右諭德彭澤為提督四夷館太常寺卿右贊善

林文俊為南祭酒

壬寅停大臣子弟濫廕

癸卯初陳洗復奏葉應聰行勘殺人下巡按御史邵豳竟除

名令人許御史聽囑詞連脩撰蕭與成御史陳大器知府鄭

漳顧遂又下之巡按于是御史李美言死者皆有狀非勘官


斃之洗言妄不聽應聰戍鉄嶺衛幽大器咸坐賄囑漳坐規


避俱有罪

國權

嘉靖九年

十三





沈一貫曰昔王金陵行新法而與舉朝士大夫為仇僉士
遂踐其隙流禍于黨碑張永嘉之世亦然有意乎勝天下
事發相激去者皆仇怨來者皆親戚豺虎安得不多啣噬
安得不博予寧為葉公痛亦為諸公痛
甲辰詹事顧鼎臣署府侍講學士穆孔暉署院
乙巳錦衣衛舍人樊名欲襲百戶不許戚晚後裔各以遠近
隆殺異塗傳乞者盡草
丙午工科都給事中趙漢言大學士桂萼翟鑾稱疾三月未
免曠職張聰預政久不求賢共濟未免專擅乞諭桂萼翟鑾

引退仍簡者舊分總之責 上命中使召聰、請令漢疏名
以進 上果詰漢如聰指漢言 陛下日應萬幾故欲聰引
賢共濟初無私主且輔臣簡命出自朝廷即有疇咨亦非小
臣所預遂奪月俸
設遷曰趙漢欲樹人佐治非攻永嘉也永嘉遽不能容巧
為鉅勒苟使漢休于嚴威指列二三將坐鈞黨一鳴輒斥
矣漢堅守不撓永嘉亦無能中云

丁未夏言奏浙江右叅政黃卿忤張聰調陝西以温州兵備
副使黨以平代温州知府丁瓚即擢副使俱初任改補私鄉

人黃芳授南京太常寺卿又私太常卿彭澤皆璵意而吏部尚書方獻夫引用憚邪効力私家無上令黃卿等俱如故璵獻夫各疏辨不問

前兵部尚書伍文定卒^時奉松湖廣滋松人弘治己未進士授常州推官遷成都興嘉同知平桃源賊歷守河南吉安討宸濠立矢石間嘗火燬其鬚進按察使累至今官孤忠敢任第不能徇時雖著功竟齟齬焉天啟初追謚忠襄行預糴備賑之法
法司會議條律付史館采擇

八月戊午朔禮科給事中高金言沙汰附學生力陳不可不聽

甲子應天太平安慶水災詔減田租有差


乙丑戶科給事中薛甲上四事擴茹納以夾忠謹正習俗以明體統勤賢訪以盡人才養和平以凝天庥下吏部言其可採議行之刑科都給事中饒秀劾甲附和薛甲云正習俗以明體統云劉永昌以武夫而劾冢宰張瀾以軍餘而議勲臣夫股肱耳目之臣人得指摘媒孽下陵上替不知所止下吏部再議甲疏辨上怒其不俟覆遽上謫湖廣布政司

照磨

國權

嘉靖九年

五



乙亥勞懷慶知府王得明鄭王厚烷奏其善政致瑞麥嘉禾
建平縣妖賊伏誅

丙子處州知府吳仲上通惠河志

丁丑沔陽見星流西北聲如雷

庚辰羽林衛指揮使劉永昌言 太祖罷丞相分部院今內

閣無相名有相權乞存內閣減事權令九卿更直備顧問下

所司

辛巳大學士桂夢上授時考任人考

壬午水災減江西田租

甲申罷姚廣孝侑廟移大興隆寺春秋太常寺致祭學士廖
道南請革其祀禮部即議上報可

乙酉顯靈宮設醮是日論囚法司三覆奏以齋故免刑

九月丁亥朔辛卯朝臣多累月稱疾不朝命核之


右都御史汪鋐言各邊墩臺宜佛郎機銃從之

壬辰兵科給事中高金請斥真人邵元節云姚廣孝既不可

配享太廟則元節宜奪爵 上曰金何以久不言下錦衣獄

馮時可曰張公府設冢而門羅雀清芬自遠接人處物鋒

銳若虛伎倆若無恂抑抑若畏若愧何醇厚長者及當



事變雲雷鬱發神龍騰奮不可遏也仁者必勇其然哉懸
車暮年知足知止庶几二疏操矣

是月黎諱没于哀牢子寧七歲故臣黎峒鄭江黎奮鄭惟嘯
等共立之稱元和元年居清化府之木州漆馬江兵三千人
又木州土酋車克讓兵五千人莫登庸攻之不克立四年登
庸攻之竄占城國人立其弟憲僭號光照黎氏傳十世歷一
百十年

十月辛酉丁巳朔定諸國海外依期進貢罷珠池少監以鎮守
兼攝從給事中王希文之請


壬戌諭禮部選妃嬪備侍御遣禮部員外郎李瑜主事屠應
竣王汝孝吳龍往應天河南山東不遣內臣

丁卯巡按山西御史趙鐘與巡撫張瀚爭禮相訐俱罷

戊辰右副都御史胡璉子御史致才避嫌求改翰林以近弊
不許著為令

庚午裁浦子口管稅內臣

辛未輯祀儀成典以更定郊制也以知建造事總督工程官
郭勛同知建造事督視規制官李時監視巡察工程官汪鏞
為監脩官知建造事總督工程官張璠為總裁大學士桂萼



翟鑾為副摠裁監視巡察工程官吏科都給事中夏言進侍
讀學士仍兼都給事中中允廖道南編修張袞徐階程文德
為纂脩官

學士顧鼎臣奏江南稅糧積弊申飭清查從之

員邱祭器成及龍床御案 上召張璉閱于文華殿求紅黃

玉為爵不可得

癸酉右副都御史汪銘為兵部尚書提督團營

甲戌詔停刑

乙亥侍讀學士兼吏科都給事中夏言直經筵日講令王府

將軍夫人而下儀仗俱本省支造

十一月丁亥朔定閣臣錦衣衛指揮侍御座左右永樂間閣臣


首文班錦衣官侍座右便承旨捧勅始命翰林

戊子 上詣南郊視員邱

御史蔣寬奏決囚日鼓狀訴寬易稽緩請前期三日從之著
為令

癸巳張璉議叔梁紇顏路曾皙孔鯉另祀侑食從之 上作

文廟祀典說示群臣璉遂議文廟像改木主籩豆十樂八佾
削封爵稱先賢先儒罷申黨公伯寮秦冉顏何荀况戴聖劉



向賈遠馬融何休王肅杜預吳澄祀林放遽瑗盧植鄭玄服
虔范甯于鄉增后蒼王通歐陽脩胡安國蔡元定

編脩徐階請文廟如舊謫延平推官

乙未御史黎貫等爭文廟像爵削籍

戊戌初歷城知縣朱鵬醉杖德府典儀事聞下獄疏辨屬通
政司叅議劉日乾光祿少卿葉廷芳刪定其草悞書月日詰
得寔鵬削籍日乾廷芳免

起顧應祥右副都御史巡撫雲南


辛丑更正孔廟祀典易木主題至聖先師孔子四配日復聖

宗聖述聖亞聖餘先賢左邱明以下稱先儒進后蒼王通歐
陽脩胡瑗退祀于鄉則林放遽瑗盧植鄭玄服虔范甯罷申
黨公伯寮秦冉顏何荀况戴聖劉向賈遠馬融何休王肅杜
預吳澄

壬寅工部尚書章拯罷悞郊壇祭器

甲辰 上省牲南郊

周鈇茂陵吳价郭圻劉希寵王杏周相鮑象賢汪似方涯陳
洙李祺張相李磐李朝綱李鏞邢第陳亶楊宜聞人銓徐汝
奎鄭崑為御史



己酉冬至 上祀南郊奉 太廟配還御殿行慶成禮詔天下肆赦明日大宴

設遷曰 高皇帝功德至矣 太宗安能匹之今輒擬周之文武似矣而寔未盡然也專配 太祖誠當即宗祀明堂胡又易 太宗哉

丙辰前南京禮部尚書沈冬魁卒

封克燿代王克煥寶豐王克烱碭山王厚燾衡世子厚煥高唐王貞潤會寧王貞澆延長王厚燿富城王厚燿貴溪王厚燿秀水王譽杖黎山王褒煇方城王

十二月丁巳朔諭太常寺禱雪


甘露降顯陵



免湖廣水災田租

己未工部左侍郎蔣璠為尚書


壬戌崇信伯費聚卒

甲午祧 德祖尊 太祖中殿







國家圖書館, NATIONAL CENTRAL LIBRARY, TAIWAN, R.O.C.



3393416 v.33

國家圖書館, NATIONAL CENTRAL LIBRARY, TAIWAN, R.O.C.





國權

嘉靖十五年丙申

正月己未 上不豫

壬戌定湖廣上下江防道各給勅上江防道轄沔陽岳州常

德長沙下江防道轄漢陽蘄州黃州德安

甲子行時享禮于內殿武定侯郭勛攝之

劉天和為兵部左侍郎兼右副都御史摠制陝西三邊軍務

丙寅郭維藩補侍讀學士

國權


嘉靖十五年

一

國家圖書館, NATIONAL CENTRAL LIBRARY, TAIWAN, R.O.C.



監官設遷孺木著



丁卯始給卹刑官條印

戊辰故石州判官陶壘殉盜贈知州廕子國子生

甲戌鎮守遼東太監王純還京劾罷停勿遣

丙子摠制陝西唐龍乞甘肅治兵備虜從之

丁丑光祿寺卿吳大山為工部右侍郎右僉都御史袁宗儒為南京戶部右侍郎左通政鄭紳為通政使

戊寅唐龍故太子太保兵部尚書彭澤復官優卹下所司

壬午故南京工部尚書何詔卒贈太子少保詔山陰人弘治

丙壬進士授南京工部主事歷右副都御史巡撫保定遷工

部左侍郎南工部尚書淳謹耿介居官無赫聲所至見績

二月丁亥福建左布政使屠僑為光祿寺卿

已亥庶吉士范瑟為編修

庚子 上疾輟親耕并停 皇后親蠶

辛丑增湖廣督糧叅政

丁未夜衡州安仁縣大雨雹傷稼大飢

辛亥冊昭嬪王氏敬嬪李氏

拱臣女


靜嬪王氏

總督漕運右副都御史馬卿卒林縣人弘治末進士授給事中歷雲南按察使值鳳朝文之亂屢劾機應蓋吏幹甚優雖

國權

嘉靖十五年

二



難劇必效

建昌寧番越雋鎮西叩雅等地屢傷人畜

三月丁巳河患徙豐縣于故城夜客星見紫微垣四月壬辰没

戊午免各巡撫入朝議以災傷也

己未賢嬪鄭氏薨贈賢妃謚懷榮

丙寅 上始御經筵

前南京工部尚書崔文魁卒山東新泰人成化甲辰進士授

刑部主事歷今官清約善吏事而性和厚不失為長者贈太

子少保謚康簡

免延安慶陽漢中存額

辛未兵部右侍郎周金為右都御史總督漕運巡撫鳳陽起

牛天麟右僉都御史巡撫甘肅

乙亥設大田縣隸福建延平府

高平王融烜廢為庶人以私鎮國中尉旭柳婦旭柳掠婦私

死丙子 上同皇后奉 章聖皇太后發京師

丁丑自沙河抵天壽山行殿召大學士李時尚書夏言武定


侯郭勛問沙河人少之故時請設昌平總兵南衛京師北衛

陵寢吏卒既增居民漸集 上是之

國權

嘉靖十五年

三



已卯謁長陵獻陵景陵至十八道嶺自擇壽宮復閱椽子嶺
以十八道嶺勝之

庚辰謁裕陵茂陵泰陵康陵

壬午還沙河行殿諭免昌平田租三分之一賜高年粟帛幸

西山

癸未祭 恭讓章皇后景皇帝陵自西湖舟行還京師

四月乙酉朔遣成國公朱鳳祭祖陵皇陵孝陵英國公張溶祭

顯陵

丁亥茂州夷攻長寧指揮龔銳拒卻之

己丑祭酒呂柟上恭和聖製謁陵詩賦各一曲十首

庚寅內殿薦苑田新麥

辛卯巡撫貴州右副都御史陳克宅改總理南京糧儲兼巡

撫應天


癸巳治長陵神道并繕七陵作壽宮


甲午起許讚吏部尚書

吉囊自賀蘭山入寇邊將數破走之總兵王效副總兵任傑

游泰擊鄭時泰將史經合擊之斬九百餘級虜始遠遁

改武學于大興隆寺舊址用文武重臣教習





丙申禘太廟召南京兵部右侍郎潘珍于兵部

己亥召郭勛李時夏言賜所作詞歌詩各一

兵部尚書王廷相秩滿進太子少保

庚子巡撫四川潘鑑應天府尹江曉俱為工部右侍郎曉佐

部督工鑑採木川廣

順天儒士潘謙錦衣衛匠金桂請遷顯陵下詔獄

辛丑上欲祭告山陵鹵簿僅吏卒一萬二千人

起汪珊右副都御史巡撫貴州

癸卯上發京師次沙河

四川按察僉事朱紉合總兵何卿叅將周繼勛剿茂州叛夷
平之

蜀王讓栩劾四川都指揮劉永昌至邨索賄逮獄

甲辰上至天壽山

乙巳太常寺卿張鷟乘輿下鎮撫司謫戍

丙午上祭告長陵餘陵分遣官往

丁未上游九龍池郭勛夏言騎從

戊申上名十八道嶺曰陽翠所駐蹕小山曰平臺

辛亥親閱長陵獻陵景陵以景陵庫小拓之

壬子駕次沙河癸丑還宮

吉囊分騎犯涼州副總兵王輔以八百騎逐之戰孤山墩斬
五十七級已犯莊浪總兵姜璵逆戰分水嶺俘北誘入伏大
敗之斬七十一級

五月乙卯朔改嚴嵩禮部尚書時錄 列聖文集九經二十一
史性理大全聖學心法刊之重脩宋史命嵩總理之

丙午施燾嗣懷柔伯

施瑾之子

六月甲申朔雷震南京西上門

丙戌南京禮部尚書湛若水改南京吏部尚書

葺武功后稷姜嫄廟致祭

戊子西苑清虛殿鑿戒亭成

乙未增築平涼慶陽臨洮邊堡

丙申四川威茂渾水番夷掠茂州長寧


禮部左侍郎黃綰憂去釋劉源清削籍邵永鑄二級

壬寅吏部左侍郎霍韜言考選人博士中書舍人優游閑

局坐致華要是種而獲也進士宜臨選糊名校試擇其優

長授博士等官餘授有司報可禮部觀政進士盧榘上書曰

博士等官選且過半謫始議上蓋僚寮譏其曲庇鄉里飾私



文過也因言其三不可遂寢其議

應天巡撫都御史侯位憂去薦舉非例奪其官

丙午前右都御史盛應期卒江蘇吳江人弘治癸丑進士授

工部主事歷提督兩廣改工部右侍郎臨決河轉令官有膽

智敢任而剛褊忤物雖所至有效殊不理于口留城新河之

濬寶漕運道永利應期創議挽于浮言不克成蓋任事之難

如此

壬子吏部左侍郎霍韜為南南京禮部尚書

七月戊午肅王貢錄薨謚恭王

己未成國公朱鳳平贈太保謚榮康

禮部觀政進士盧樞復請除吏量闕預疏又臺諫糾劾惡聲

醜語毋瀆天聰以瀆陳下鎮撫司獄贖杖仍觀政

徐學謨曰傳云吉人之辭寡其後樞之居官居鄉終不齒


于士類孔子所以不以言取人也

庚申郭勛請許漕舟載貨歸餘蓋塞下採礦課助工遂改陝

西巡撫右副都御史黃臣清理淮浙山東長蘆鹽法

壬戌下順天府尹劉淑相詔獄淑相停廂長銀未發其姻周

禎私囑事連淑相蒼頭治中費完為夏言姻收淑相淑相疑



見傾上章攻完及言而淑相故善霍謫前扈陵游銀山寺共
論時政言訐其事逮淑相自是謫論言為故少師費宏謚文
憲犯廟號及他事言亦訐謫數罪殆訟師巷口俱不問淑相
削籍鑄錮俸一級

丙寅吏部右侍郎張邦奇為左侍郎起張朝吏部右侍郎
建寧銀冶黃柏上坪各設指揮守護仍下溫處兵備嚴行伍
法毋入閩盜礦

丁卯詔天下衛所官永戍者子孫不得嗣

庚午議陵殿並祀 三石

癸酉戶部開粟監俱輸大同

甲戌起于港右副都御史巡撫陝西

丙子梧州地震

戊寅皇史歲成

即神御閣

進武定侯郭勛太師大學士李時

尚書夏言兼太子太保

己卯免大同旱蝗田租

庚辰禮部以御史徐九臯言購遺書


壬午議備倭寇浯澳等五寨分地徵巡禁販海通夷

前太子太保吏部尚書汪鉉卒婺源人弘治壬戌進士授南

國權

嘉靖十五年

八



京戶部主事歷事僉副使至兵部尚書初以才略稱折節取
聲名善窺時好自僉事至布政使悉在廣東因方霍納交張
桂撫南贛首進甘露明倫大典目標之卷末亡何擢中臺典
銓大被寵任多所建論然性傾狡外示強直內輒媚取悅每
見彈輒指為報復上後亦厭之贈少保謚榮和


八月乙酉錄列聖寶訓實錄成

錦衣衛都督僉事陸松卒浙江平湖人隸興府儀衛從龍恩
自千戶歷任至都指使贈都督同知賜祭葬子炳千戶進指
揮僉事

丁亥禮部尚書顧鼎臣祭先師學士張壁祭啟聖公時祭酒
呂柟司業童承叙皆有期喪
戊戌侍講學士廖道南憂去
辛丑摠制陝西劉天和請修雙輪戰車神臂強弩藥矢及延
綏寧夏邊牆從之

壬寅南京禮部右侍郎費家改南京吏部起歐陽鐸右副都
御史提督操江

乙巳署太常寺工部尚書陳道瀛致仕給月粟二石歲役二
人



陽曲王府宗室知熾知熾怨父叔糾盜劫之因大掠屯中條山下命督捕尋敗滅

丙午叙西陲功進劉天和左都御史總兵姜瑛都督同知賜金幣餘各有差

庚戌宴監錄寶訓等官于謹身殿各賜金幣
祭酒呂柟為南京戶部右侍郎

九月甲寅進武定侯郭勛左柱國大學士李時少傅謹身大學士尚書夏言少保顧鼎臣太子太保謝丕張璧為吏禮部右侍郎丕署翰林院蔡昂為翰林學士姚涑為侍讀學士張袞

張汝璧俱左諭德張治王用賓俱右諭德童承叙楊惟傑歐陽衢俱洗馬屠應峻華察俱侍讀胡經侍講楊淪陳節之周文燭俱脩撰餘陞秩有差


已未皇陵明樓火

諸邊立武塾教將士子弟

庚申侍讀學士許成名為太常寺卿署祭酒

科戶給事中田秩等請罷順天採礦得不償費不聽

辛酉進封貴妃沈氏閻氏端妃賈氏安妃沈氏康妃杜氏靖嬪盧氏肅嬪汪氏順嬪任氏榮嬪趙氏



甲子朱希忠嗣成國公

命行制錢舊錢制錢國朝鑄舊錢歷代鑄嚴禁偽鑄

己巳巡撫延綏于桂為右副都御史提督撫治鄖陽

悼靈皇后改謚孝潔

庚午上祭陵發京師晚次沙河辛未至天壽山

壬申上在行宮宣府報警命東西官廳總兵官李鳳鳴江

桓各三千人防守居庸關

癸酉上祭長陵餘六陵遣攝

丙子還駐沙河丁丑還宮

南京兵部尚書秦金致仕

己卯九廟成

浙江道御史余光上二京賦

庚辰大理寺左少卿張珩為右僉都御史巡撫延綏

辛巳議改題 孝肅皇太后主曰 孝肅貞順康懿光烈輔

天成聖皇后不稱 孝穆皇太后曰孝穆慈惠恭恪莊儉崇天

承聖皇后 孝惠太皇太后曰孝惠康肅溫仁懿順協天祐


聖皇后不稱 遷孝潔皇后主于奉先殿西室

十月癸未朔罷大同總兵官魯綱移陝西提兵官都督梁震鎮

國權

嘉靖十五年

十一



守大同

甲申加 毅皇后全諡孝靜莊惠安肅溫誠順天偕聖毅皇

后初 上謁陵諭夏言以皇嫂諡未脩卿典禮其疏請入

乙酉免濟南旱蝗田租

丁亥南京戶部尚書王軌改南京兵部尚書

戊子 皇次子載聲生出昭嬪王氏

庚寅夜京畿及萬全都司地震

辛卯 上祭南郊

右通政趙廷瑞為太僕寺卿

甲午遣侍讀屠應竣華察等報書諸王以皇次子生

乙未 上御殿受賀

增江西督糧右叅政

戊戌始張延齡在獄主事沈椿寬之自後皆然延齡嘗題聖

學心法曰君道不明賞罰奸人劉東山適繫獄不受拘主事

羅虞臣掠之遂誣奏虞臣黨逆延齡賂邊將王祿等為外援

其妻崔氏動引宮闈為言毒魔咒詛上盜內藏金寶通慈慶


侍人至相與為巫蠱下鎮撫司獄上責法司縱囚先所株連

定國公徐 京山侯崔元等數十百人俱坐繫下鎮撫司

國權

嘉靖十五年

十一



獄上責法司縱囚先後主沈椿林允宗陳越周大禮王梅侯
寧吳孟祺施雨胡永成劉嵩沈宏葉宰朱懷幹朱冕賀思趙
瀛舒纓蔡克廉林華高世彥何其高何成葉泰羅虞臣並下
鎮撫司又奸人劉琦楊鶴齡復誣延齡兄弟賂閹通大內賄
真人邵元節陰結邊將王祿等釀患叵測併拷治殆千餘人
錦衣都指揮使王佐謬厚東山等次第得其情論誣罔法反
坐成邊械東山闕門外尋死延齡前罪不即誅又怨望誹謗
仍論辟

設遷曰張延齡身在賢索再被重誣所謂奴虜利吾財耳

設永嘉在或有以全之如其不幸何

巳亥遷 孝肅皇后主于裕陵 孝穆 孝惠二皇后主于


茂陵改世廟曰 獻皇帝廟

庚子免遠東屯租壬寅免吉安田租

癸卯諭禮部夏言遷 三后主遣祭非禮擇日自祭慰

丙午南京吏部尚書湛若水上所著二禮經傳測 由禮儀禮為經禮記
為禮以戾孔氏罷不省

四川威茂等蠻數入犯副總兵何卿按察副使朱紘屢敗之
戊申 上發京師宿沙河大同報虜六萬餘薄塞下



追論凱口圍之敗前巡撫貴州右副都御史陳克宅落職

郭子章曰凱口之亂失之陳餘姚定于汪員池然阿向竟
不得正法汪猶陳也而安驕矣凱口之安危阿向之生死
公家不得與而制于一安則無柰黔何今黔能自養兵三
萬奚藉于安哉

己酉 上至天壽山

提督西苑戶部右侍郎張雲為戶部尚書佐部郎中張完為
太僕少卿專理西苑

庚戌 上告長陵辛亥祭慰裕陵茂陵

壬子以皇子生頒詔朝鮮安南遣脩撰龔用卿戶科給事中


吳希孟使朝鮮

十一月甲寅宣大延寧皆有警復設總制官改總督戶部左侍
郎周叙改兵部左侍郎兼右僉都御史總督宣大偏官軍務
召巡撫樊繼祖路迎起史道右僉都御史巡撫大同順天府
丞郭登庸巡撫宣府

溫仁和添注吏部左侍郎李廷相改禮部左侍郎

虜自大同井坪堡入掠山西薄靜樂

禮部言安南不貢二十年道阻宜罷使問罪下兵部



諭停刑

乙亥雲南總兵黔國公沐紹勳卒

已卯叙廟功武定侯郭勛少傅兼太子太傅李時夏言少傅

並兼太子太師詹錦衣正千戶兵部尚書張讚工部尚書林

廷梯並兼太子太保左侍郎甘為霖進尚書各賜金幣

大理金寺卿周期雍為刑部右侍郎

浙江湖廣布政使任忠易瓚為右副都御史巡撫陝西河道

雲南按察使汪文盛為右僉都御史巡撫鄖雲南


遣山西督糧主事

是月禮部左侍郎黃宗明辛鄞縣人正德甲戌進士授南兵部主事歷郎中同張桂疏議禮守吉安轉福建鹽運使丁亥召脩明倫大典不至起光祿卿兵部右侍郎救編脩楊名謫福建叅政尋召還為禮部右侍郎轉左始張桂議禮得幸同人咸驅駕氣勢更相牽引宗明無比迹故張桂既去人亦無訾之者蓋矜名自好人也

十二月丙戌河南左布政使胡績宗為右副都御史巡撫山東

光祿寺卿屠僑為大理寺卿

前右副都御史王應鵬辛鄞縣人正德戊辰進士令嘉定拜



御史至今官在言官嘗諫武宗微行及中官迎佛頗著風裁
晚任內臺欲浮沉固位而卒不能保也
兵科給事中錢亮刑部主事韓勗核邊山西
免保定田租
戊子初 上御文華殿西室語郭勗李時夏言以人才不足
勗請科道按撫薦辟吏部覈實以聞
辛卯奉安 德懿僖仁四祖于祧廟 太祖于太廟
禁兩京四品以下乘輿南科道值大臣仍避馬
壬辰奉安 太宗于世宗列聖于昭穆廟又明日奉安 獻

皇帝廟

丙申李庭竹嗣臨淮侯

山西交城地震

增淮安治農水治通判趣各邊巡撫總兵赴鎮


丁酉復命御史查刷案牘復蘭州莞糧郎中

己亥沐朝輔嗣黔國公

庚子建金錄大醮于玄極殿 欽安殿更名

四川左布政使陸深為光祿寺卿

乙巳議脩奉先崇先殿奉各主于景神殿



丙午名 皇子載

丁未雜谷安撫司貢夷至二千二百餘人裁其賞仍禁後濫
吏部左侍郎兼學士席春卒

閏十二月壬子朔戶部左侍郎唐胄諫代安南王之欲夷狄帝

當以不治之自安南內難兩廣遂少邊警夷狄相攻中國
之利也不必罷撤中國為黎氏復仇命俟之

大同失事逮副總兵李懋以下治罪

癸丑改路迎撫治鄖陽

甲寅敬上皇伯母徽號昭聖恭安康惠慈壽皇太后

廢后張氏薨喪禮視廢后胡氏

戊午上 聖母徽號章聖慈仁康靜貞壽皇太后

庚申四川威茂地震

癸亥御奉天殿詔示天下


夏言兼武英殿大學士直閣


庚午封融燧韓王賓沾慶符王載墩武城王載瑜輔城王健

樂樂陵王祐芳繁昌王載均光化王厚墳泰安王

勅郭勛李時夏言錄囚

錄西邊將士禦虜功





辛未吏部尚書許讚入朝

甲戌致一人邵元節改禮部尚書以禱嗣

乙亥史館禮部尚書嚴嵩視部事

丁丑免延安長沙田租

男子朱學至霍邱自言宸濠第三子母鍾氏生四歲國滅有

趙賢挈之走民間至是求高墻見母事聞按之不安下高墻

是月虜復犯大同梁震擊敗之

國權

益官設遷孺木著

嘉靖十六年丁酉

正月辛巳朔河南宗祿虧至二百四十餘萬屢索而詳至是巡

撫簡霄巡按王鎬上六事補給

定太僕寺馬價南寺三分徵金每匹十八金京師盡徵馬

戊子福建巡按御史白賁請廢寺田佃貧民倍賑從之

徽王厚燭獻白兔

己丑詔侍養官親終起用

國權

嘉靖十六年

發太倉米平糶收養京師貧民

庚寅署都督僉事周尚文為總兵鎮守山西

壬辰裁晉府中尉知烜知熾隰川王府輔國將軍成鏞祿三之一時約束宗室烜等不受成鏞抗言李斯行督責之術臣等死不敢奉詔故有是命

癸巳許承天貢生如京學二歲三人

收武驤等四衛壯丁四千人即前所草也

乙未閉永平山礦專採薊州瀑水谷

戊戌給陝西三邊銃砲

庚子武定軍民府土知府瞿氏仍署印先是歸流官同知二十年

裁永平邊糧通判禮部請立皇太子命俟之

辛丑禮部左侍郎李廷相為戶部尚書樞密倉場起顧璘右

副都御史巡撫湖廣

癸卯報皇子載垕生康妃杜氏出

甲辰逮前應天巡撫侯位以大工銀數萬賑濟擅行也


乙巳庶吉士李璣趙貞吉教銑郭朴駱文盛尹臺康太和歐

陽煥王立道嵇世臣彭鳳鄭一統為編脩林廷機黃廷用郭

國權

嘉靖十五年

二



鑿陳東光王繼禎盧宗哲全元立為檢討沈瀚胡汝霖高時
奚良輔沈良材李泰為給事中何維柏趙繼本為御史汪集
衛光確為主事


許岑芝襲田州判官省盧蘇自立功贖罪兩江土官聞之皆
曰殺人不抵死弑主不加刑吾輩俱懸命于僕隸矣

高岱曰夷酋雖不可繩以中國之法然是非公心則亦有
之合諸夷之兵以討共憤之賊何憚一盧蘇耶無亦厭兵
革而無任事之臣耳又曰諸夷之敢于稱亂者多以中國
檄之從征欲藉其力不免過于驕縱令窺見官兵之脆弱

非彼不能成功則亦何憚而不為亂乎故用夷兵如用毒
藥然昏暫已病不免餘毒之積非甚不得已病不可輕用
也今東南多事動即徵土夷兵用之聞其桀驁又甚往時
矣他日必有受其禍者

御史胡鰲請禁僧娶逐雜娼左都御史王廷相等覆如之
上褻其言奪廷相等俸兩月謫鰲鹽城縣丞

設遷曰臺諫論事閔國家大體昭德塞違故直螭頭儼枉
下荅宰動色相顧莫敢輕一喙供其白簡一二失職之徒
厄舉瑣拾有辱臺端知胡鰲者不乏也非世宗英斷誰



為振其綱而略其細哉

丁未復岳州筦糧通判


二月庚戌朔禮部右侍郎張璧轉左學士蔡昂為禮部右侍郎
並兼侍講學士

前南京大理寺評事夏鏞卒鏞浙江天台人成化丁未進士
疏救李文祥鄒智等下獄釋歸十年又言事除廷評乞終養
不起年八十三負不克塋

田藝衡曰犯顏極諫者臣子之大忠難進易退者士人之
高節吾聞其語矣未見其人也若赤城先生其殆庶几乎

策名仕途垂二十年而食祿不滿三載裁沾七品之命而
養告踰三十年遇事敢言既不激抗以蹈黨錮之禍以身
殉道又不詭隨以冒浮沉之譏老成典刑于此具在謂之
忠孝廉節古君子非與
禮部覆文武官服花樣會典未分因互用非制乞循品秩
從之

辛亥刑部錄上文武成臣應赦御史馬錄盧瓊等百四十二
人得旨馬錄呂經馮恩楊慎王元正劉濟豐熙邵經邦不宥
餘釋之不得推用



戊寅皇子載圳生 上作嘉善歌大臣和馬

三月辛巳諸臣賀于行宮并謁賀 皇太后

癸未 上奉 母后幸金山 皇太后

甲申還宮

丁亥梁震又敗虜于紅崖

壬辰塞天壽山東西通黃花鎮之徑

癸巳故武定侯郭英從祀太廟從裔孫勛之請禮部議配位

叙爵誠意伯劉基列六王之次群公之上非等命仍叙爵

乙未侍讀學士郭維藩為太常少卿兼侍讀學士署院命而

壬寅虜入甘州大掠

立故臨清知州夏鼎祠

劉文為都督同知總兵官鎮守延綏

丙午 上發京師視金山行宮宿沙河


丁未 上蹕沙河命修復 太宗行宮築城設守備


四月癸丑 上還宮

寧夏總兵官左都督王効副總兵魏時游擊將軍鄭時各鑄

級自効巡撫張文魁降山東布政司左叅政致仕

左少卿劉玉免虜入我兵大敗





庚申禮兵部集議安南莫登庸之罪 上決討之議兵餉起

胡璉高公韶戶部右侍郎兼左僉都御史提督糧餉璉雲貴

公韶兩廣左右副總兵江桓牛桓左右叅將楊鼎田茂孫繼

武高誼游擊將軍樊泰蕭萬湯慶陳偉從征

辛酉增雲南廣東右叅政副使各一廣西貴州副使一補首

領佐貳官

兵科給事中李鶴鳴御史傅鳳翔往兩廣刑科給事中馬汝

彰御史胡時濟往雲南各從軍紀功

兵部左侍郎潘珍言安南初陳氏首附永樂間黎氏篡立今

莫登庸又竄之據其國黎寧不請封入貢二十年揆以春秋

之法皆不免于六師之移又何必興兵為之左右乎今虜警

屢報各邊置弱乃釋門庭之防忽眉睫之害殫竭中國遠國

事瘴島非計之得也 上以異議落職

癸亥增修內閣是夜月食

乙丑雲南按察副使吳鎰為右僉都御史巡撫寧夏

丁亥提督兩廣軍務兵部左侍郎潘旦為莫登庸請貢不許

己巳進提督宣大周叙右都御史詹梁震本衛百戶

辛未進封貴妃王氏靖妃王氏宜嬪王氏淑嬪劉氏徽嬪王